

Innò

Mi piace u to sensu arditu
Quand'è tù scopri l'infinitu
Mi piace la to gran primura
Di la storia for di misura
In li rughjoni d'amore
Ti sentu pienghje o arrabià
Mai piantendu di sperà
Quand'è tù dici
Innò.

Mi piacenu le to manere
D'arradicacci in le to terre
Mi piacenu le filastrocche
Ch'è tù metti in le nostre bocche
Di li to canti tamanti
Ùn puderaghju sbriacà
Sì schjavitù è libertà
Quand'è tù dici
Innò.

Innò chì a to lingua ùn hè morta
Innò chì u to locu ùn hè chjucu
Innò l'avvene ùn hè mischinu
Innò chì a to via ùn hè stretta.

Sappie chì i lochi, l'avvene
L'allarga a mente a vuluntà
A to storia s'allongherà
S'ella ribomba a lingua nostra.